



**R.P. Leonardii Lessii E Societate Iesu Theologi. In D.  
Thomam De Beatitudine. De Actibus Hvmanis. De  
Incarnatione Verbi. De Sacramentis Et Censvris.  
Prælectiones Theologicæ Posthvmæ**

**Lessius, Leonardus**

**Lovanii, 1645**

Art. 7. Vtrum bonitas voluntatis in his, qu sunt ad finem, pendeat ex  
intentione finis.

---

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

scientiam, est omnino impossibilis. Ut igitur eam deponat, necesse est, ut vel iudicium illud generale iam retractet; vel certè, ut aliquam circumstantiam in particulari circa se consideret, quam in genere non considerauit; vt, v. g. se habere iustam causam cur sibi liceat, quæ in alijs pafsim non reperiatur: vel denique ut illud iudicium contrarium non occurrat memorie, sed maneat tantum habitu, quando est operandum. Tunc enim, etiam si habitu teneat esse peccatum, id quod facit, ob auctoritatem concionatoris, vel aliam causam; tamen actus potest iudicare sibi non esse peccatum; idque vel ob alias rationes, vel quia pafsim sit etiam à bonis, vel quia nulla occurrit ratio cur non liceat. Sed, hoc modo non tam deponitur conscientia erronca, quam non applicatur.

## ARTICVLVS VII.

Vtrum bonitas voluntatis in his  
qua sunt ad finem, pendeat  
ex intentione finis?

**¶4** C onclusio est, Bonitas voluntatis, qua voluntas aliquid propter finem, penderet ex intentione finis. Sensus est, Bonitas electionis penderet ex intentione finis. Probatur, Quia bonitas electionis penderet ex ordine mediorum ad finem; quia in hoc ordine constituit ratio formalis obiecti: ergo penderet ex fine, & consequenter ex finis intentione. Vbi

Notandum Primò, Quando bonitas electionis dicitur pendere ex intentione finis, sub intentione etiam comprehendendi finem intentum; ab utroque enim bonitas electionis pendet: A fine quidem, tamquam à causa formalí (ordo enim ad finem est ratio formalis obiecti electionis; & consequenter ipse finis, qui illi ordinis speciem tribuit, ratio formalis obiectu censetur: ) Ab intentione vero tamquam à causa efficiente: electione enim manat effectu ab intentione; & ita bonitas & malitia intentionis transfunditur in electionem, tamquam in effectum: conditio enim causa imprimitur effectui: vnde quidquid parit mala intentio, est malum; & quidquid parit bona intentio, est bonum; si tamen aliunde non vietatur.

Notandum Secundò, Circa respons. ad 2. & 3. Velle malum sub ratione mali, non est velle malum ob malitiam, secundum D. Thomam (non enim malitia potest allucere voluntatem: ) sed est velle malum ob malum finem; vt velle mentiri, vt fureris. Velle bonum sub ratione mali, est velle bonum ob malum finem. Itaque rationem mali vocat D. Thomas non ipsam malitiam, sed bonum delectabile, vel conueniens natura, cui annexa est malitia.

## DVBIUM I.

Vtrum intentione boni finis fiat mala,  
ex electione mali medij?

**85** N otandum est, Finem dupliciter posse intendi. Primò, Determinando certum medium per quod consequaris illum. Secundò, Absque

determinatione certi medij; quod secundum dupliciter fieri potest; Primo, Si eo modo intendas, ut ex vi intentionis paratus sis uti quoquis medio, non curando sitne licitum an illicitum. Secundo, Si non eo modo intendas, sed simpliciter sub ratione honesti. Nunc

Dico Primò, Qui ita intendit bonum finem, <sup>Sic cum bo-</sup> ut simul determinet prauum medium, illius in- <sup>no fine si-</sup> tentio est praua, non propriè ex electione, sed <sup>mul deter-</sup> minatur <sup>prauum</sup> quia ipsa intentio actu se extendit ad prauum <sup>medium,</sup> tamquam ad circumstantiam quamdam <sup>medium,</sup> obiecti: vt si intendas consequi beneficium per <sup>intentionis est</sup> simoniam; facere Sacrum absque vestibus bene- <sup>praua.</sup> dictis; dare eleemosynam ex re aliena.

Probatur, Quia hic actus est tantum actus intentionis, tendens in finem tamquam in suum obiectum, & in medium tamquam in circumstantiam: sicut cum quis vult occidere gladio; in hac volitione non est intentio & electio, sed sola intentio, qua tendit in occisionem ut in fine, seu in obiectum, & in gladium tamquam instrumentum, quod est quædam circumstantia obiecti. Pari modo cum quis vult dare eleemosynam ex re aliena, est solùm unicus actus intentionis, tendens in largitionem eleemosynæ tamquam in obiectum; & in rem alienam, ut in circumstantiam materie.

Dico Secundò, Si quis eo affectu intendat finem, ut paratus sit uti quoquis medio; illa intentio est mala, non ratione electionis prauæ superer- <sup>86</sup> <sup>potest quo-</sup> nientis (est enim mala, etiamsi nulla praua elec- <sup>tio modo,</sup> <sup>sed debite</sup> sequeretur) sed ratione modi, quo tendit mensura affectus, in-

Probatur, Quia talis affectus ita tendit in finem, ut implicitè & virtute tendat in prauum medium; velle enim omnino consequi finem, est velle implicitè omne medium necessarium; & consequenter est velle prauum, si forte sit necessarium.

Secundò, Quia talis intentio vi sua inclinat ad prauam electionem, si forte bonum medium non suppetat: ergo est praua. Consequenter patet, quia omnis actus voluntarius vi sua, si perferueret, inclinans ad prauum consensum, est malus.

Dico Tertio, Si quis intendat ita bonum finem, ut neque ex vi intentionis inclinetur ad electionem praui modi, neque simul determinet prauum medium, hæc intentio non fiet mala, quamvis ei coniungatur praua electio. V. g. Intentio dare eleemosynam; sed quando venitur ad executionem, ex ignorantia vel avaritia eligis dare rem alienam; hæc electio est mala, tamen non inficit priorem intentionem.

Probatur Primò, Quia talis intentio boni finis secundum se est intrinsecè bona, id est, conformis rationi; quia est obiecti honesti, quæ honestum: ergo electio superueniens non potest eam reddere malam. Consequenter patet; quia quod est naturæ posterius, non potest tollere id quod alteri prius conuenit.

Secundò, Quia illa electio non est circumstantia intentionis, sed merè per accidens ad illam habet; non enim sequitur ex vi bona intentionis, sed aliud. Quod probatur. 1. quia omnis intentio honesta excitat ad prudentem confidationem mediorum (est enim voluntas consequendi finis modo rationi consentaneo;) ergo <sup>Præna electio non potest sequi ex vi</sup> intentionis.

non potest impellere ad electionem praui medij.  
2. Quia prauum medium non potest prudenti iudicio conferi conueniens ad finē honestum. Tertio denique, Quia sicut principium verum numquam vi suā est causa conclusionis falsae; sed si aliquando ex eo contingat falso conclusi, id prouenit ex aliquo alio principio ei coniuncto: ita numquam intentio bona vi suā est causa electionis prauæ; sed si contingat aliquem in hoc honesto affectu eligere prauum medium, id non prouenit ex vi huius affectū, sed ex alio affectu ei coniuncto, qui latenter subrepit: qui enim ante honesto affectu voluit dare eleēmosynam; priusquam eligat medium illicitum, mutat priorem intentionem, & incipit alia intentione eleēmosynam velle; nempe, non quia ratio dicit, sed quia consentaneum affectui naturali, vel quia speciem habet pietatis; & ex vi huius affectū facit imprudentem electionem. Vnde patet, hanc electionem non esse circumstantiam intentionis honeste, neque ex vi illius profici; ac proinde non effici illam malam.

Dico Quartò, Propriè loquendo praua electio numquam inficit bonam intentionem. Sequitur ex dictis: Intentio enim naturā suā est prior electione; vnde si ipsa ex se mala non sit, non potest effici mala per electionem superuenientem. Quare, et si bonitas electionis pendeat ex bonitate intentionis, non tamen bonitas intentionis tollitur prauitate electionis.

#### D V B I V M. II.

##### Vtrum malitia electionis & operis minuantur per bonam intentionem?

88  
Dua sententiae  
extreme.

**S**unt duæ sententiae extreme. Prior est, Bonam intentionem omnino excusare peccatum. Ita sentit Auctor Operis imperfecti apud Chrysostom. tom. 3. hom. 19. in Matth. explicant illud: *Omnis arbor bona. Ex bono propositu, etiam quod videtur malum, bonum est; quia propositum bonum, malum opus excusat.* Et infra: *Sicut ergo bonorum hominum omnia opera etiam mala, bona sunt: ita malorum hominum omnia opera, etiam bona, mala sunt, &c.* Idem senserunt aliquot antiqui DD. Speciatim de mendacio; vt Abbas Ioseph apud Cassianum, collatione 17. cap. 17. & seqq. vbi docet, Utendum mendacio tamquam bellebori; jucut enim Iesus bellebori, dum necessitas postulat, est salutaris; extra vero necessitatem noxius; ita usum mendacij in necessitate, si sit bona intentione, esse bonum, extra necessitatem, malum. Quam sententiam primus docuit Plato lib. 3. de Repub. dicens, *Deo quidem mendacium esse indecorum & inutile; hominibus tamen quandoque esse utile, vt eo tamquam medicamento vitetur.* Ab hoc haustus Origenes in Epist. ad Gal. Ab Origene multi alii, prefertim Graeci, & D. Hieronymus in eandem Epistolam (vt videtur) quod etiam ei impingit Augustinus Epist. 8. cap. 3.

Altera sententia est, bonam intentionem nullo modo minuere malitiam operis. Ita communiter tenent Doctores, ait Almainus tract. 1. Moral. cap. 12. dub. 2. quod intellige de Doctoribus Parisiensibus illius temporis.

Respondeo & Dico Primò. Certum est, non omne quod secundum se, seu solitarie malum est,

posse per bonam intentionem excusari, ita vt definit esse peccatum.

Probatur Primò, Ex Scriptura, Ecclesiastici 34. *Immolaritis ex iniquo, oblatio est maculata.* Et infra, *Qui offert sacrificium ex substantia pasperum, Eccles. 34.* quasi qui victimat filium in conspectu patris. Hic videmus intentionem honoris diuini non excusare opus ex se prauum. Ad Rom. 3. dicit Apostolus iustè damnari eos qui dicunt, *Faciamus mala, vt eniant bona.*

Secundò Probari potest ex Patribus, Qui docent ob nullam causam licitum esse mentiri. Citat hos Gratianus 22. qvæst. 2. Idem multis argumentis ex Scriptura docet D. Augustinus duabus libris, altero de mendacio, altero contra mendacium. Libro de mendacio cap. 14. ponit octo gradus mendaciorum, & ostendit nullo horum licere vti. De quibus vide D. Thomam 2.2. q. 110. art. 2. & 3.

Tertio, Probatur ratione, Quia multa sunt intrinsecè mala (id est, in quorum conceptu formaliter includitur repugnans cum recta ratione:) atqui certum est hęc nullo modo posse fieri bona; neque per necessitatem quantumvis grauem, vel uniuersaliter, per bonam intentionem posse excusari: ergo &c. Maior patet de fornicatione, adulterio, mendacio, &c. hęc enim omnia in suo conceptu includunt aliquid rationi repugnans. Minor patet, quia quod in conceptu formaliter continetur, non potest appositione finis extrinseci, vel alterius circumstantia, tolli.

Aduerte tamen, Multos esse actus, qui eti per se, id est, solitariè, mali sint; tamen quia non sunt intrinsecè mali, sed solum alicuius circumstantiæ defectū, possumus apposita circumstantia fieri boni vel habere plura beneficia, occidere hominem, capere alienum: tale putabant illi Auctores esse mendacium; sed fallebantur, quia mendacium alia ratione dicitur per se malum; scilicet quia intrinsecè malum est.

Dico Secundò, Et si bona intentione non tollat omnem malitiam actus intrinsecè mali, tamen Bona intentionem minuit. Est communis sententia Doctorum.

Probatur ex D. Augustino lib. contra mendacium cap. 8. Dicit aliquis, ergo aquandus est sur quilibet ei furi, qui misericordia voluntate furatur; quis hoc dixerit? sed horum duorum non ideo quisquam est bonus, quia peior est virus; peior est enim, qui concupiscentia, quam qui miseratione furatur. Et infra, *Studiorum ut primum gratia est, luxuria, quam misericordia patrare det eleemosynam.* Simill modo Loth nonnihil excusatur à Patribus; quod filias ad stuprum obtulerit; quia id fecit bona intentione; ad gratias incommodum nensis filias, vitandum.

Ratio est. Primò, quia opus malum consideratum vt subest fini honesto, subit quandam honesti speciem, & ex parte tegitur eius turpitudo, vt non ita appareat; quod fit, vt quando appetitur, sub imagine honesti appetitur, & consequenter vt eius turpitudo sit minus voluntaria; quia quod minus appetatur, minusque cognitum est, minus est voluntarium. Addc, fieri posse vt eo modo tegatur turpitudo specie finish honesti, vt ab operante non possit aduerti; & tunc nullum est peccatum; quia turpitudo nullo modo est voluntaria.

Secundò, Quando opus malum appetitur propter aliquid bonum, magis appetitur illud bonum, quam malum.

130 Quæst. 19. De bonit. & malit. actus int. volun. Ar. 7. Dub. 2. A. 8.

bonum, quām opus malum; ac proinde ipsum opus minus appetitur, quām si propter se, suamque commoditatē appeteretur; & consequenter est minus peccatum: quod enim est minus voluntarium, ceteris paribus est minus peccatum. Itaque tota ratio, cur sit minus peccatum, est, quia est minus voluntarium: est autem minus voluntarium, tum quia malitia minus appetit; tum quia opus non propter se, sed propter aliud appetitur.

<sup>91</sup> Obijcitur Prīmō, Matth. 6. Si oculus tuus simplex fuerit, totum corpus lucidū erit, id est, si intentione recta fuerit, omnia opera, quæ secundum eam operari, bona erunt; vt exponit D. Augustinus lib. 2: de Sermone Domini in monte, cap. 21.

Respondet, Dominum ibi loqui de hypocritis, quorum opera secundū se erant bona, & solum ipsis debeat bona intentio. Si autem sententiam illam generatim velimus accipere; & per corpus cū Diuo Augustino intelligamus opera externa; solum de operibus non malis accipienda est; vt colligitur ex eodem D. August. libro contra mendacium cap. 7.

<sup>Ex Augus.</sup> Obijcitur Secundo, Ex D. Augustino lib. 50: homiliarum hom. 7. Si quis cogitet bonum esse furari à diuitiis aurarī, vt det pauperib; talii cogitatio est à diabolo: quod probat; Nam si totum tribuat pauperibus, quod abfuderat, addit potius peccatum, quam minutum.

Respondet, D. Augustinus comparat eum qui dat eleemosynam ex furto, coquē modo se reddit impotenter ad restituendum, cum eo qui rem furto sublatam conseruat, & potestatem restituendi retinet; hic enim minus peccat, quām ille: cum hoc tamen consilist, quōd ille qui furatur libidine furandi, plus peccet quām ille qui affectu eleemosynæ, si cetera sint paria. Sed ibi cetera non sunt paria.

Obijcitur Tertiō, Si bona intentio minuit malitiam electionis & operis; v. g. mendacij; ergo melior intentio magis minuet: ergo poterit dari tam bona intentio, vt penitus tollat malitiam mendacij. Patet cōsequētia, Quia cū hæc malitia finita sit, detractione tandem cōsumetur.

Respondet Negando secundam consequētiā, Simile est in continuo; sicut enim quantitas continua numquam detractione partium absuntur, quandiu manet in ea ratio quantitatis: sic malitia operis numquam absuntur, quādū manet in eā ratio voluntarij; vnde etiamsi fiat opus intentione optimi finis, qualis est summa gloria Dei, & salus omnium hominum, tamen manet malum. Ad confirmationem consequētia; etiamsi malitia sit finita, non potest tamen detractione absumi, quādū retinet rationem voluntarij, & esse moralis; alioquin si ratio voluntarij tollatur, etiam malitia tolletur.

### ARTICVLVS VIII.

Vtrūm quātitas bonitatis vel malitiae in voluntate, sequatur quantitatem boni vel mali in intentione?

<sup>92</sup> Sensus est, Vtrūm quando quis vult aliquid opus propter aliquem finem, illa voli-

tio & operatio volita, sit tam bona vel mala, quām est intentio finis.

Notandum est, Intentionem tripliciter posse <sup>dicitur me</sup> dici meliorem, vel peiores, quām sit electio <sup>tripliciter</sup> vel operatio exterior: Primo, Ratione obiecti; <sup>lior vel</sup> vt quando quis maius bonum aut malum intendit <sup>peior,</sup> illud assequi: vt si des eleemosynam, vt conuerterit illum ad fidem; vel vt peruertas ad heresim. Secundo, Ratione inefficacia medij: vt si maius bonum vel malum intendas, quām reipsa per illud opus possis assequi. Tertio, Ratione perfectionis intensiæ: vt quando ardentiū aliquid intendis, quām sit conatus ille, quem postea adhibes. Nunc sit

Prima Conclusio. Si ratione obiecti spectetur bonitas intentionis, & operis, sapienter fit vt opus non sit tam bonum, quām est intentio. Idem <sup>Quando</sup> dicendum de malo. Fit autem hoc duplī modo; <sup>opus non</sup> Primō, Quia opus nō est proportionatum ad finem consequendū; vt si quis ad extruendum <sup>fit tam bo-</sup> templum conferat centum aureos, cū necessaria <sup>num vel</sup> sunt decem millia. Secundo, Quia etsi opus sit secundū se sufficiens, tamen contingit impediri, ne consequatur finem intentum; vt si quis proficisciens Romam ad Iubilēum, impeditur morbo; non assequitur finem, scilicet Indulgētias.

Vbi notandum est, D. Thomam non tantum loqui de bonitate & malitia morali, sed in genere; quia in omni rerum genere verum est opus non æquari intentioni ex parte obiecti, quando non assequitur finem intentum; sive id proueniat, quōd nō eligatur medium satis efficax, sive quōd in conatu extrinsecus occurrat impedimentum.

Dices, Ergo qui mittit pauperi eleemosynam, <sup>Si eleemosynam</sup> quæ in via intercipitur, non tantum meretur, <sup>panperem</sup> quantum si perlata fuisset.

Respondeo Negando consequētiam. Quando enim eligitur medium fini commensum, & ex parte voluntatis præstitum est omne id, quod præstari debet; si extrinsecus incidat impedimentum, non ideo minus est meritum. Tamen etiam hoc casu verum est, opus non esse tam bonum ex parte obiecti, quām sit intentio; quia non assequitur finem intentum, qui est leuamen paupertatis.

Secunda Conclusio, Tota tamen bonitas & malitia intentionis redundant in electionem, & Bonitas & consequenter in opus extēnum.

Vbi notandum est, id fieri duplīciter. Primo, Quatenus electio intrinsecus est melior, quæ sequitur intentionem melioris finis, & peior, quæ peioris finis, cū enim electio accipiat suam speciem ex ordine ad finem intentum, quōd finis est melior, hoc quoque ipsa melior est. Secundo, Quatenus intentio se habet vt forma quadam electionis in genere moris; nam electio speciem accipit à fine mediante intentione finis; vnde subest intentioni, sicut materiale formali, in genere moris, & consequenter etiam ipsum opus consequens electionem, subest intentioni: si enim intentio est forma electionis, & electio est forma operis extēni, etiam intentio erit instar formæ respectu operis extēni: formale enim in genere moris, est id, vnde actus habet esse morale, seu quōd laude sit vel vituperio dignus: actus autem exterior habet esse morale ab intentione: ergo &c.

Dices,

*Malitia  
non potest  
penitus  
falli.*